



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Episc. Et Decan. Matiscon.

urn:nbn:de:hbz:466:1-20006

tre nostro Lugdunen. Archiepiscopo super dilapidatione & insufficientia in causam trahentibus, tu apost. sedis audientiam appellaris, festum beati Lucae proximò futurum terminum appellationi prosequenda praefigens; quem iidem Canonici ad Dominicam qua cantatur *Iubilate Deo* proximò prateritam, sicut eorum continebant litera, coardarunt. Nos igitur utrique partium deferre volentes, ne sub intemperie aëris & caloris distemperantia cogamini ad sedem apostolicam laborare, fraternitati tuae sub peremptorio per apostolica scripta mandamus, quatenus hinc ad festum beati Michaëlis proximò futurum apostolico te conspectui repraesentans, Canonico- rum responsurus objectis, & propositurus si quid proponere volueris contra ipsos, nisi forsan interim inter vos pacis possint foedera reformari. Scias autem nos partem adversam ad eundem terminum citavisse, ita ut illi quorum nomina per tuas nobis literas expressisti, personaliter ad nos accedant, his quae proposueris responsuri. Ad haec, tibi fortius inhibemus, ne occasione hujus discordiae bona Ecclesia tua dilapidare praesumas. Datum ut supra.

ATREBATEN. ET SYLVANECT.
Episcopis.

Epist. 185.

Pla patrum praedecessorumque nostrorum sollicitudo. *Require superius epistola CLXXII. Et sicut scriptum est pro Ecclesia S. Germani de Pratis, ita scriptum est pro monasterio sancti Dionysii in Parisiensi diocesi constituto.*

ABBATI ET CONVENTUI
sancti Germani Antisiodoren.

Epist. 184.
Quod excommunicatio Episcopi Antisiodorensis injusta, & contra juris ordinem inflicta, non obliget.
Vide *Gesta Abbatum S. Germ. Antis.* c. 13.

Gravis ex parte vestra fuit in auditorio nostro querela proposita, quod venerabilis frater noster Antisiodoren. Episcopus & Presbyteri ejusdem diocesis homines vestros absque manifesta & rationabili causa, non servato juris ordine, excommunicationi subjiciunt pro sua arbitrio voluntatis. Volentes igitur gravamini vestro paterna sollicitudine providere, si praedictus Episcopus & Presbyteri in homines vestros excommunicationis sententiam absque manifesta & rationabili causa, & juris ordine non servato, duxerint promulgandam, eam decrevimus non tenere, & vos auctoritate apostolica divina eis officia ce-

lebretis. Nulli ergo &c. Datum &c. ut supra, xvii. Kalend. Iunii.

E I S D E M.

Cvm venerabilis frater noster Antisiodoren. Episcopus usque adeo (sicut dicitis) sit vobis infestus, ut de parochianis suis malefactoribus vestris per eum justitiam non possitis habere, nobis imminet providendum, ne pro defectu juris monasterium vestrum violentiis pateat & incurribus malignorum. Eapropter, dilecti filij, praesentibus vobis literis indulgemus, ut ad venerabilem fratrem nostrum Senonen. Archiepiscopum pro coercendis ipsis malefactoribus vestris recursum habere possitis, qui defectum ipsius Episcopi de auctoritate nostra debeat in hac parte supplere. Nulli ergo &c. Datum ut supra.

EPISC. ET DECAN. MATISCON.

Exposita nobis Eduen. Ecclesia peritio continebat, quod cum olim felicis recordationis Celestino Papae praedecessori nostro deposuissent de Balmen. monachis quaestionem, de terris & Ecclesiis in valle Polliniaci constitutis, & idem praedecessor noster causam ipsam venerabili fratri Cabilonen. Episcopo & dilecto filio Abbati de Firmitate commississet sine debito terminandam, a praefatis tandem monachis fuit ab eisdem iudicibus appellatum. Ille vero qui Abbas ipsius monasterij dicebatur, ad prosequendam appellationem accedens, semel se tantum apostolico conspectui praesentavit, & de appellatione facta mentionem faciens, illicentiatus recessit. Cumque nuncius Eduen. Ecclesiae ad appellationem prosequendam ad sedem apostolicam destinatus apud eam fuisset longo tempore commoratus, idem praedecessor noster peremptorie citavit monachos antedictos, eis sub excommunicationis poena praecipiens ut ille qui se gerebat Abbatem, cum aliquibus ipsius monasterij monachis in festo beati Lucae proximò praterito ab ejus praesentiam sufficienter instructi accederent, ut Eduen. Ecclesiae plenarie responderent, & satisfacerent Romanae Ecclesiae de contemptu. Ipsi vero licet juxta formam mandati apostolici non venissent, quidam tamen monachorum ad Romanam Ecclesiam accesserunt, quos nuncius praefata Eduen. Ecclesiae invenit

Epist. 187.
Quod licet Archiepiscopum Senonensem pro iustitia adire, si Antisiodorensis eam administrare negligat.

Epist. 186.
Eis communitur causa Ecclesiae Eduensis & cenobij Balmenis.

Epist. 187.
Venerabilis frater noster Episcopus Cabilonen. & dilecti filij Abbatum Firmitatis & Balmenis.

apud sedem apostolicam commorantes, qui de suo negotio diffidentes, ante causæ discussionem, ut magis aggravarent Eduen. Ecclesiam, recesserunt, & ad venerabilem fratrem nostrum Bellic. Episcopum & dilectum filium Abbatem de Balerna & Priorem Boniloci per subreptionem, præfatus nuncio Eduen. Ecclesiæ ignorante, literas (ut dicitur) reportarunt. Postmodum verò cum præfatus nuncio Eduen. Ecclesiæ se quidam Balmen. monachus opposuisset, eis dilectos filios I. tt. sancti Stephani in cælio monte Presbyterum & G. sancti Adriani Diaconum Cardinales concessimus auditores. In quorum præsentia cum aliquandiu litigassent, & sua scripta eidem Cardinalibus tradidissent, monachus ipse illicitiatus recessit & noluit sententiam expectare. Cum igitur cuique simus in sua iustitia debitores, & nolimus aliquem de fraude sua commodum reportare, discretionem vestram per apostolica scripta præcipiendo mandamus, quatenus convocatis ad vestram præsentiam partibus, si vobis constiterit Eduen. Ecclesiam à præfatis monachis prædictis terris & Ecclesiis præter juris ordinem spoliata, vos ei auctoritate nostra prædictas terras & Ecclesias cum fructibus inde perceptis, non obstante contradictione vel appellatione cujuslibet, resignetis, prædictis literis nequaquam obstantibus, quas etiam morte præfati prædecessoris nostri credimus expirasse. Post restitutionem verò integram alatorum & expensarum quas Canonici Eduen. Ecclesiæ in appellatione monachorum prosequenda, quam ipsi monachi prosequi non curarunt, se rationabiliter fecisse probabunt, audiatis si quid emergerit quæstionis, & illud sine debito appellatione postposita terminetis. Quod si ambo &c. tu frater Episcopo &c. Datum Romæ apud sanctum Petrum, Idibus Maij, Pontificatus nostri anno primo.

CAPITULO MEDIOLANENSIS.

Epist. 187.
Vt præbendam
& domum Epi-
scopo Terdo-
nenis suo colle-
ge restituant.

Sinceritatem eorum qui ferventiores in Ecclesiæ devotione persistunt, Ecclesia Romana ampliori benignitate consuevit amplecti, & juxta meritum suorum prærogativam eis debiti honoris gratiam impertiri. Insinuavit siquidem nobis venerabilis frater noster O. Episcopus Terdonen. quod cum bonæ memoriæ Celestinus prædecessor noster

eidem per apostolicam indulgentiam concessisset ut beneficia quæ habebat quando fuit ad officium pontificale vocatus, ei liceret usque ad triennium possidere, & auctoritate illius indulgentiæ præbendam quam in Ecclesia vestra fuerat assecutus, integrè possedisset, ita quod in electione Archiepiscopi vestri sicut unus Canonorum vocem habuit, & in venditionibus aliisque negociis Mediolanen. Ecclesiæ, ipsius tanquam Canonici fuit requisitus assensus, & in instrumentis etiam manum subscriptionis apposuit; vos, super quo de prudentia vestra miramur, post appellationem ab ipso Episcopo ad nos interpositam, ex quo etiam iter arripuit ad sedem apostolicam veniendi, non expectantes terminum in ipsa indulgentia præfinitum, cum ipse (sicut asserit) non renunciaverit indulgentiæ, in contemptum Ecclesiæ Romane præsumpsistis de ipsa præbenda in ejus præjudicium ordinare, & eam cuidam Clerico assignastis, ac domum ejus non estis veriti occupare. Nos ergo (si verum est quod asseritur) revocantes in irritum quicquid per vos contra formam præscriptæ indulgentiæ in præjudicium ejus noscitur attentatum, vobis per præsentia scripta mandamus atque præcipimus quatenus tam præbendam quam domum ei restituere minimè differatis, & antequam præscriptus terminus compleatur, cum interim non intelligatur vacare præbenda, super ipsa nullum ei gravamen vel molestiam irrogetis; sed cum plena & quieta permittatis illius possessione gaudere. Alioquin noveritis nos venerabili fratri nostro Vercellen. Episcopo dedidisse firmiter in mandatis ut ipse auctoritate nostra sine appellationis obstaculo quæ præmissimus exequatur. Datum &c. v. i. i. Kalend. Iunij, Pontificatus nostri anno primo.

Illi scriptum est super hoc.

ARCHIEPISCOPO SENONEN.

Cum olim dilectus fil. G. Abbas Flaviniacen. pro injuriis & gravaminibus quæ ipsi ven. fra. noster Episcopus Eduen. intulerat, ad sedem apostolicam accessisset, & ibidem non sine dispendio, si fortè aliquis adversarius appareret, diutiùs expectasset, tandem nuncios ejus post moram diutinam advenerunt: qui

tinge caput
Cum pro. De
concess. præb.
in Tertia Col-
lectione.

Epist. 188.

Vt cogat Epi-
scopum Eduen-
sem cum Abba-
te Flaviniac.
initam concor-
diam observare.